

Von bestellung eynes Meyerhofs. . 35

mit Käben vberzogen/ vnd Sitz sampt eym steynenen Tisch darunter geordnet/ auff das man ents weder da im schatten ruhen/ oder zur zeiten für lust da zu Nacht essen könne/ Gleich wie andere eynen schattigen Bawm/ der nah am Hauß steht/ vnd auff die Straß geht/ zubrauchen pflegen: wie dann solcher Bawm eyner on zweiffel gewesen ist/ der Bawm inn des Patriarchen Abrahams Meyers hof im Thal Mambre/ darunter die trei Engel/ welche er auffnam/ jr Mal namen

Des Patriarchen
Abrahams Meyers
hof.

Weiter beschreibet er auch eyn Präuhaus zum Bierpräuen/ sampt seim Külsfaß vnd Trimmel/ len: welchs dann inn Bierländern von wegen tägliches trancks des Gesinds/ nicht vnbesüßt ist an gesehen. Solgends hat er hart an die Kuchin eyn Schöpffbrönnen geordnet/ dieweil man das Was ser daselbs offteilend haben muß: Auch Wassersteyn zum wäschen/ wüschlen vnd Schüsselspülen/ von dannen das Spulwasser zu den Misthäuffen rinnet. So ist die Kuchin fürs Fewr gewelbt vñ dick vberweißget/ vnd der Magd Kammer gleich daran geordnet.

Bierpräuhaus.

Wasserstein inn
Misthäuffen ge
richt.

Dabei gleich eyn Bachhaus mit zwen öfen/ inn deren eym man das gemeyn Haußbrot fürs Ge sind bache/ im anderen für des Haußherren Tisch die Kleynen Brot/ Nitscheln/ Semmeln/ Gladen/ Byerkuchen/ Aschenkuchlin vnd dergleichen. Darneben die Mälkästen vnd Brotkänsterlin gestel ler: Auch weite Kämmer sampt iren Rauchkammerlin gebawet/ darein man allerley Fleysch/ das man räuchet/ Schuncken/ Speck/ auch gedörzte Fisch hencket.

Bachhaus mit
zwen öfen.
Mälkästen.
Brotkänsterlin.
Rauchkammerlin.

Er hat auch nach der Alten weiß eyn Bachstuben/ gleich bei die Bad stub angesehen: welche ob sie so gar nötig sei/ wird an eym andern ort folgen.

Badstub.

Sondere Kämmerlin hat er zu eym jeden Stall vnterschlagen/ damit allzeit eyner vom Ges ind/ der darzu tauglich/ daselbs bei Nacht ruhe/ auff das so dem Viech vngefär etwas widersüre/ man gleich bei handen wer/ im zuhelffen.

Seine Speicher sint mit Kalck vberstrichen für die Mäuß: vnd haben für die Vögel gegätterte Taglöcher/ Auch inn der nah eyn beschlossnen getäfel zu eym Opsgaden oder Apffelolder/ welches Kleyne Fensterlin vom Nord her hat.

Opgaden.
Apffelolder.

Item eyn sondern vnzäunten platz mitten vnter den Ställen/ darinn man Ochsen vnd Kü/ vnd ander Viech einsperret vnd behalt/ wann sie zur Tränck/ oder vñ außsegung der Ställ außges lassen werden. Solche zäunung ist nahe bei eym Weier/ das man darinn die Pferd vnd Ochsen tränck/ vnd sonderlich wann sie vom Feld kommen darinn schwemmen/ abwäsch vnd besprenz: auch den Gansen/ Säwen vnd Schaafen/ wann sie vom futer kommen diene.

Solchen Zaunzwinger besträyet man auch täglich mit Stroh/ das es nicht alleyne dem Viech darauff zustehn vnd zuruhen bekomme/ Sonder auch von der Stallung mehr Mist gebe/ welchen man zur Feldtünung brauche.

Ferner beschreibet er eyn offene Schewr/ die eyn hangend Tach hat/ das man auff vnd nider lassen kan: aber er billicht vil mehr die Thennen mit wänden verwaret/ ob jene schon vil lustiger sindt.

Schewren mit
hangendem tach.

Nachgehends eyn vnterschlagenen Säwstall/ da inn eym theyl die Alten Moren/ im andern allerley Säw vnter eynander verschlossen seien. Vber diß noch eyn Säwstall/ nah bei dem Wasser steyn der Kuchin/ welcher zu den Mästschweinen/ die man vñ Specks willen ziehet/ gehört.

Mästschwein.

Das VI. Capitul.

Vom Ampt vnd gebür eynes Haußvatters oder des Grundherren.

Nach dem man nun also das gebaw geordnet vnd gericht hat/ wöllen wir/ das auch eyn solcher Haußvatter oder Grundherr da sei/ der sich auff das Feldbawwerck versteh/ darinn erfahren sei/ vnd lust vnd lieb darzu hab: dann welcher sein keyn verstand hat/ vnd desselbigen nicht vil geübt ist/ oder laßt ihm andere ding mehr angelegen sein/ der maß von Not wegen entweder sich mit eym Meyer behelffen/ ihm alles vertrauen/ vnd desselben gnade geleben: welcher dann ihn zum offtermal wird betriegen/ vnd jm seine Güter vnd Häuser inn eyn abgang kommen lassen. Ich will geschweigen der hauffen Rechtsfärtigung/ die er jm auff den halß wird richten: Oder er wird sein sachen eynem Hofwarter oder Amptman oder Burgvogt oder Schaffner müssen vertrauen/ mit welchen es sich leichtlich schicken kan/ das sie mit dem Bawren oder Lehenmeyer zuhalten/ vnd eyn verstand mit eynander machen/ den Grundherren zubereden/ was sie wöllen.

Auch finden wir gewiß in den Historien der alten Römer/ das niñer dz Land fruchtbar